

लईका मन बर बाईबिल
प्रस्तुत करत हवे।

ईसु कर चमतकार



लिखे गए हवे। : Edward Hughes

उत्साह बढ़ाए गए हवे। : Byron Unger; Lazarus

चयन करे गए हवे। : E. Frischbutter; Sarah S.

अनुवाद करे गए हवे। : मधुलिका महतो

बनाए गए हवे। : Bible for Children
www.M1914.org

©2015 Bible for Children, Inc.


लाइसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।



ईसु मसीह अब्बड़ अकन चमत्कार करिस। चमतकार, ये ही सिध्द
करए बर कि ईसु मसीह सित्तो म भगवान के बेटा हावय। पहिला
चमतकार बिहा के नेवता म होईस। एकठी समसया पैइदा होईस।
ऊंहा दाखरस सब्बो जन बर नई पुरिस।



मरियम, ईसु के महतारी, हा इ परिसानी के बारे म ओला बताइस
अउ सेवक मन ला कहिस जेन कुछु घलो ईसु हा आदेस देही
ओखर पालन करव ।



ईसु हा कहिस “पानी म इ गीना-बटकी मन ल
भर देवा” “पानी ?” ओमन इ पूछे होही। हाहो,
पानीइच, ईसु हा बिनती करिस।



फेर ईसु हा दास मनले कहिस,
बड़खा गिना ले कुछु निकाल
लेवा अउ नेवता के मुखिया
ला चिंखे बर देवा। ओ पानी
हा अब दाखरस बन चुकए
रहिस। बढिया दाखरस।
अब्बड़ बढिया
दाखरस।




सेवक मन अकचकाए रहिन ।
ईसु हा पानी ला दाखरस
मा बदल दे रहिस । खाली
भगवान हा ई चमतकार
ला करे सकत हावय ।



ईसु अउ घलाव चमतकार
मन के परदरशन करिस।
एकठी संझा बेरा, ईसु
अउ ओकर चेला पतरस
कर घर गईन। पतरस के
सास हा जर के कारन
अब्बड़ बेमार रहिस।



ईसु बेमार नोनी, मन के हाथ ला छुईस। एक झन मा ओफेर ले चंगी हो गिस। ओह ईसु अउ ओखर चेला मन के सेवा टहल करए बर उठ गिस।



अइसन लागत रहिस कि
सब्बो सहर ओखर दुआरी
म एकट्ठा होगिन। अंधवा,
भयरा, कौंदा, अउ लुला
अइसने बिमरहा मइनसे
मन उहां आइन। इंहा
तक कि ओमे रहए वाली
दुए आतमा ले परिसान
मइनखे मन कर भी
रहा ईसु करा
आईसफ मा ओहर
एतकी इन के मदद
करे सकत हे?



ईसु जेन भगवान कर बेटा हावय, ओहा मदद करे सकत हे। ईसु हा मदद करिस। जेन घलाव ओकर करा आईन सब्बो इन चंगाई ला पाईन। जेमन बईसाखी के सहारा म रेंगके अपन जीनगी ला चलात रहिन तेमन अब रेंगे, दउड़े अउ कुदे सकत रहिन।





दुसर जेन ला
कोढी रोग हा
मुँहुला बिगाड
दिस, तेमन
घलाव आईन।





ईसु हा ओमन ला
चंगा करिस अउ
उमन पूरा सप्फा
आउ पबितर हो
गिन।



दुस्ट आतमा मन ले परिसान नोनीपिला अऊ

बाबुविला मन ईसु
करा आईन। ओहर
ओला छोड़ए बर
दुस्ट आतमा मन
ला आग्या दिस।
जब दुसर आतमा
मन ओखर आग्या
ला मानीन तब
डराय, दुखी अउ
सांत मइनखे मन
अउ आनंदमगन
हो गिन।



ईसु करा पहुँचे बर, भीर के पाछु ले चारझन अपन संगवारी के मदद करय के परयास करिन। लेकिन ओमन अइसने हे नई कर पाईन। अब ओमन अउ का करय सकत रहिन ?



चारठीन वफादार संगवारी मन बेमार
मइनखे कर घर के छत म ले गिन
अउ ओला तरी उतारे बर छत
ला खोल दिन। अब ओहर ईसु
के अबगा लकठा
रहिस।



जीसु हा ओचार संगवारी मन कर
बिसवास ला देखीस। ईशु हा
बेमार मइनखे ला कहिस,
कि तोर पाप हा क्षमा
होइस। अपन खटिया
ला उठा अउ रेंग-बुल
फेर "उ मइनखे हा
झट ले भला चंगा
अउ मजबुती ले उठ
के ठाढ़ हो गिस।"
ईसु हा ओला चंगा
करिस।



एखर पाछु फटाक ले ईसु अपन चेला मन के संग म एक ठी डोंगी
म रहिस। एक ठी अड़बड़ भइंकर तुफान
समुंदर में उठीस। ईसु ऊहां सुतत
रहिस। चेला मन घबराईन अऊ
ओला उठाइन। "हे परभु हमन
ला बचा लेवा," ओमन चिहरीन
"हमन नास होत जाथन।"




ईसु हा लहरा मन ल फटकारिस "सांत हो जावा" फटाक ले समुंदर
हा सांत हो गईस। ओखर चेला मन फुसुर फुसुर करिन "एहर
कइसन परकार कर मइनसे हवे ?" इहां तक कि हवा अउ समुंदर
घलाव ओखर आग्या ला मानथे। ओमन ईसु ला
भगवान के बेटा कइके स्वीकार करिन।

काबर कि ओखर चमतकार
हा ओखर महिमा ला परगट
करत रहिन। चेलामन ला ये



पता नई रहिस लेकिन उ मइनखे मन
के बीच म भगवान के सेवा, करत रही
के ईसु के अउ भी महान चमतकार
मन ला देखे जात रहिस।



ईसु कर चमतकार

इ कथा हर भगवान के बचन के द्वारा एक ठी बाईबिल
पाए जाथे ।

मत्ती 8-9, मरकुस 1-2, मरकुस 4,
लुका 4, लुका 8, युहन्ना-2

"आप मन कर बानी हर एला अंजोर देथे ।"
भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

